

## He Ngohe Aromatawai ā-Roto Mō ngā mahi whakamahere anake

**Te Ingoa o te Ngohe:** He ao hurihuri, he reo hurihuri

**Aronga:** Te Reo Rangatira 1.2A

**Paerewa Paetae:** Te Reo Rangatira 1.2

**Kaupae:** 1

**Whiwhinga:** 6

### He Tohutohu mā te Ākonga

#### I tēnei ngohe

Me whakatairite koe i te reo o ētahi horopaki e toru, ka āta whakamārama i te hāngai o te reo i tēnā horopaki, i tēnā horopaki.

#### Te horopaki

I tēnei ngohe ka aromatawaihia tō kaha ki te tātari i ngā pānga o te horopaki ki te reo, o te reo rānei ki te horopaki. Me āta whakaahua koe i ngā āhuatanga motuhake o te reo i tēnā horopaki, i tēnā horopaki. Me kōrero koe mō ngā ōritenga me ngā rerekētanga o te reo i ngā horopaki. Me whakatauiria i ō whakaaro.

Tirohia ētahi kōrero e toru (māu e kimi, mā tō kaiako rānei). Mēnā ko koe kei te kōwhiri, me kōrero koe ki te kaiako i mua i te tīmatanga o te aromatawai kia mōhio ai koe mēnā e hāngai ana ngā kōrero kua kōwhiria e koe.

O ngā kōrero e toru:

1. Me reo ā-waha tētahi, me reo tuhi tētahi. Mā kōrua ko tō kaiako e whakatau te āhua o te tuatoru (terā pea he whakaaturanga, he kiriata, he pukapuka, he kōrero reo irirangi, he aha kē atu rānei).
2. Ko tētahi nō tērā rautau, ko tētahi nō mua noa atu, ā, ko te tuatoru nō nā tata nei, nō ēnei tau nei.
3. Me reo Māori te katoa.

Ko tāu he tātari i te reo o aua kōrero e toru, me te whakamārama i te pānga o te horopaki ki te reo, te reo rānei ki te horopaki.

Mā tō kaiako koe e ārahi i roto i ngā mahi, māna e whakaae ki ngā horopaki e toru, māna hoki e whakaatu ngā pātai e hāngai pū ana ki te ngohe.

Me kōrero anō koe ki tō kaiako mō te huarahi tuku i te aromatawai.

Māu anake ngā mahi katoa e mahi.

## Hei mahi

- Kōwhiria ngā kōrero e toru hei tātari māu.
- Me whai whakaaro koe ki:
  - te momo reo
  - te pūtakenga kōrero
  - te wā i puta ai te kōrero
  - ngā pūkenga o te kaikōrero, o te kaituhi e rangona ai tōna ake wairua
  - te reo ā-tinana o te kaikōrero.
- Mō ia kōrero, whakautua ēnei pātai:
  - He aha te horopaki e noho nei te kōrero?
  - He aha te pānga o taua horopaki ki te reo?
  - He aha ngā āhuratanga motuhake o te reo o aua wā?
  - He pānga ō ngā horopaki ki te āhua o te reo i aua wā? He aha aua pānga?
- Tīpakohia ētahi tauira hei tautoko i ō whakaaro.
- Whakatairitea, whakatauarohia ngā horopaki e toru.
- Me kōrero ki tō kaiako mō te huarahi hei whakaatu i ō kitenga.

## Kuputaka

āhuratanga motuhake	<i>specific, technical features peculiar to the context</i>
horopaki	<i>context</i>
huarahi	<i>method, process, way of doing something</i>
kitenga	<i>findings</i>
momo reo	<i>genre</i>
nō mua noa atu	<i>from a much earlier time</i>
nō nā tata nei	<i>from recent times</i>
nō tērā rautau	<i>from last century</i>
pānga	<i>impact; effect</i>
pūtakenga kōrero	<i>text purpose</i>
tātari	<i>analyse</i>
tīpako (-hia)	<i>select</i>
tūmahī	<i>task, activity</i>
whakatairite (-a)	<i>compare, discuss similarities</i>
whakatauarohia (-hia)	<i>contrast, discuss differences</i>
whakatauiria	<i>model, exemplify, give examples</i>